

御選宋詩卷第六十七目錄

七言絕句四

孔武仲二首

孔平仲五首

米芾七首

賀鑄十九首

王欽臣二首

張舜臣一首

陳襄四首

郭祥正三十六首

楊傑四首

御選宋詩

卷六十七目錄

江公著一首

楊蟠一首

孔宗翰一首

周燾一首

蔡確五首

章惇一首

曾肇一首

黃履一首

舒亶三首

俞紫芝一首

何耕一首



張景修一首

李行中一首

龔程一首

王仲修十二首

黃庭堅二十五首

秦觀十三首

秦觀一首

晁補之七首

晁說之十一首

晁冲之九首

張耒四十八首

御選宋詩

卷六十一
目錄

二

御選宋詩卷第六十七

七言絕句四

孔武仲

入山

冠蓋成陰中路迴，獨攜蓮社道人來。
千巖萬壑初相識，分付晴嵐面面開。

直舍新闢西窗

幾歲榴花蔽曲隈，繁陰初逼坐中來。
西鄰小檻如圖畫，偷入簾帷次第開。

孔平仲

登賀園高亭

御選宋詩

卷十七

孔武仲 孔平仲

一

東武名園數賀家，更於高處望春華。
深紅淺白知多少，直到南山盡是花。

荆林館

古木森然滿驛庭，繁陰凌亂月分明。
千枝萬葉誰拘管，攪作秋風一片聲。

集于昌齡舍

一醉昏昏萬不知，黃昏促席夜深歸。
明朝唯見家人說，昨夜歸時雪滿衣。

榆錢

縷雪裁綃箇箇圓，日斜風定穩如穿。
憑誰細與東君說，買住青春費幾錢。

禾熟

百里西風禾黍香
鳴泉落竇穀登場
老牛初了耕耘債
齧草陂頭卧夕陽

米芾

登山

插雲樓殿壓滄溟
笑語風生伴暑清
誰爲挾雲開皎月
練飛雪卷看潮生

游湖洲

夜泛五湖霜氣清
漫漫不辨水天形
雖無織女支機石
且對嫦娥稱客星

垂虹亭

御選宋詩

卷二十七

孔平仲 米芾

二

斷雲一葉洞庭帆
玉破鱸魚霜破柑
好作新詩寄桑苧
垂虹秋色滿東南

中秋登望海樓

目窮淮海滿如銀
萬道虹光育蚌珍
天上若無修月戶
桂枝撐擢向西輪

壯觀亭

邀賓壯觀不辭寒
玉立風神氣上千
欲識謝公清興處
千山萬嶺雪漫漫

題泗濱南山石壁曰第一山

京洛風沙千里還
船頭出汴翠屏間
莫論衡霍撞星斗
且看東南第一山

賀鑄

東城送客馬上

向午孤煙起客檣一陂春水兩鴛鴦漁童解唱滄浪曲
應笑塵埃馬上郎

魏城東

短短宮牆見杏花霏霏晚雨濕啼鴉欲將今夜思歸夢
憑仗春風吹到家

東平周村驛觀臨川吳公題

頓轡揮毫墨尚新碧紗從此壁生塵可憐庭下長楊樹
猶有清陰待路人

泊舟永城寄京都朋遊

御選宋詩

卷七

賀鑄

三

正西十里是青門橋下春流帶雨渾想見舊遊芳草合
有誰樓上與銷魂

將發永城題陳伯雋蒙軒

幾對春風把酒杯小舟臨發更徘徊四明狂客重來日
庭下榴花開未開

李氏池上

湖外西風吹雨絲半隨楊柳拂連漪女郎偷折藕花去
沙上鴛鴦睡不知

阻風小孤山晚晴

小孤山下晚波恬委隨青鬢玉鏡奩借與彭郎作眉樣
西南初月正尖纖

斗峴山馬上

西來投策倦躋攀
晚葉寒花一徑間
盡日閒雲不留雨
斜陽還照隔江山

僧居對雨

簷雨濺濺滴砌沙
綠叢深處一榴花
小窗隱几俄成夢
堪笑無功飯後茶
平沙四繞護城隄
小雨經旬不作泥
似與幽人慰牢落
一雙白鳥隔墻啼

渡冷水澗投宿萬歲嶺

蕭蕭黃葉下清溝
白鳥飛來故少留
今夜行人短亭宿
小窗風雨夢漁舟

御選宋詩

卷十七 賀鑄

四

曉晴西郊馬上

夜雨蕭蕭徹曉聞
不應為我埽塵紛
弄鞭十里西郊道
但見青山納白雲

重遊梵行院

曉渡南岡五里松
精廬未見已聞鐘
門前拂地垂楊柳
埽淨秋來過馬蹤

同張漢求宿升中院西寮

僧閣窗扉學畫船
青熒燈火對牀眠
北風帶雪披簷竹
渾似瀟湘夜泊天

東城馬上

綵虹橋下水關東
接畛園林狹逕通
繁杏半開隨半落

短牆無計礙春風

平野堂重送江茂宗

東風南浦雨瀟瀟欲去行人不自聊誰道垂楊攀折苦
過春猶有最長條

題芭蕉葉

十畝荒池漲綠萍南風不見芰荷生隔窗賴有芭蕉葉
未負瀟瀟夜雨聲

吳門秋懷

吳門客鳥再經秋城郭籃輿久倦遊平靜松江三萬頃
不應無處著漁舟

題流香亭

御選宋詩

卷二十七

賀鑄 王欽臣 張舜民

五

秋色朝來已十分遠山清瘦露雲根芙蓉昨夜驚風雨
葉葉流香有淚痕

王欽臣

試院題壁

蜀國相如最有詞武皇深恨不同時凌雲賦就還無用
寂寞文園意可知

古木陰森白玉堂老年來此試文章日斜奏罷長楊賦
閒拂塵埃看畫牆

張舜民

塗中

靈州城下千枝柳總被官軍斫作薪他日玉關歸去路

將何攀折送行人

陳襄

和如晦桃

一色胚紅滌露柯誰栽安石舊巖阿自嗟老大無心賞
不及流鶯管領多

過罨畫溪

五雲無處問新亭月裏乘舟夜半行不覺藤花相掩映
鄉人遙指畫溪名

攜家遊東園

紅墖寺前千頃稻青山門外百家村豐年米賤無公事
不惜時來倒一尊

御選宋詩

卷六

張舜民陳襄郭祥正

六

中和堂木芙蓉盛開戲呈子瞻

千林寒葉正疎黃占得珍叢第一芳容易便開三百朵
此心應不畏秋霜

郭祥正

次韻和孔周翰侍郎

誰知北客與春期乍見山桃一兩枝却憶洛陽行樂處
賣花天氣晚晴時

漁船歸盡晚江空只有楊花冑細風多少春愁與春恨
爲君都付酒杯中

金陵

洗盡青春初變晴曉光微散澹煙橫謝家池上無多景

只有黃鸝一兩聲

漁者

從來生計託魚蝦
賣得青錢付酒家
一醉不知波浪險
却垂長釣入蘆花

再至汀洲倅宅南樓

樓外青山似故人
雨餘山色靜無塵
青山依舊人還老
一片離愁挂晚春

睡起

睡覺紗櫺酒尚醺
老來詩句怯題春
冥搜一夜添華髮
不認青銅鑑裏人

寄王丞相荆公

御選宋詩

卷七 郭祥正

七

謝公投老宅鍾山門外江潮去復還
欲買扁舟都載月
一身和影伴公閒

安北同登王園葆光閣

清風吹坐冷蕭蕭
更有南溪透海潮
白酒一尊須酪酏
荔支紅映碧芽蕉

院師旦希聖撤垣開軒而東湖仙亭射的諸山
如在掌上予爲之名曰新軒蓋取景物變態新
新無窮之義賦十絕句 錄四首

羣山高下浸湖漣
暝靄朝霞物物新
驛道更穿東北去
青銅影裏看行人

一湖綠水當窗淨
百里青山卷箔開
只恐夕陽催客去

不嫌幽鳥趁人來

鋤去蒿萊地勢平
開軒蕭灑瞰東城
湖山變盡朝昏景
只欠青猿一兩聲

仙庭射的鬪崔嵬
紫翠飄飄落酒杯
更待春陰須一往
要看雷雨過湖來

次韻安止春詞

尋春行過古城東
春氣先從海角通
池草怯霜拳嫩綠
山桃迎日展新紅

一聽春聲只自悲
山山相應鷓鴣啼
却看花鳥尋花處
水上紅雲數片低

數行徙倚迎風柳
幾樹參差照水花
最惜去年梁上燕

御選宋詩

卷三

郭祥正

八

會隨春色到貧家

又和

關關禽語弄輕風
泱泱田流上下通
行過小橋穿竹塢
山花時見一枝紅

訪隱者

一徑沿崖踏蒼壁
半塢寒雲抱泉石
山翁酒熟不出門
殘花滿地無行跡

謝陳昌國惠酒

欲瀉瓊漿洗我憂
百壺分送不知休
醉來一覺還鄉夢
看盡江南二十州

荔支

暑館風沉睡眠醒荔支新熟暗香生玉纖爲剝紅綃顆
甘露初凝濕水晶

承天院清輝閣

一軒誰與寫清輝地近城闈却少知只待中秋夜深看
玉蟾低蘸碧琉璃

出清遠峽

軋軋孤舟兩榜鳴悠悠山闊白沙平回瞻蒼峽來時路
只得銀潢半日行

雨霽小飲示曾令

嵐雲送雨一番涼把酒休言憶故鄉荔子鱖魚相伴熟
畫船槌鼓下靈羊

御選宋詩

卷六

郭祥正

九

送王侃主簿棄官歸南城

紛紛嵐翠撲征衣滿酌離觴對落暉憶著故園心已醉
更堪臨水送人歸

玉澗橋

橋名玉澗玉淙琤覆水松陰兩岸清野草已香仙露濕
客從此去問長生

出萬杉

禪庭欲別更遲遲猶戀西風灑客衣無力便分青嶂住
滿懷空帶白雲歸

追和杜牧之貴池亭

悠悠江水綠於苔楊柳迎風眼半開行客不如沙上雁

每逢春暖即知回

桐城青山裴山人枉步見尋興盡遽歸

門外青山是我山手攜筇杖只今還巖花落盡鶯啼嬾
紙帳孤燈夢亦閒

重題公純池亭

凭闌盡日看山色敲枕連宵聽水聲一點紅塵無入處
幾家池館近清明

曉

曉光初透玉玲瓏迴與真山意思同蒼翠正含煙霧濕
一峰先占太陽紅

雨

御選宋詩

卷五

郭祥正

十

林林銀竹注潺湲迸玉跳珠亂窰間不惜倚闌襟袖濕
爲君吟出雨中山

懷歸

黃鸝出谷鳴聲軟紫燕營巢意思和欲問江南近消息
落花飛絮向人多

笑

檀口微開皓齒香眼波浮動臉生光桃花未落燕脂淺
半颺春風半倚牆

訪華陽隱者

小徑斜分石磴通蕭蕭古屋隔杉松主人無事晝慵起
殘雪滿庭春未溶

峽石道中口占

淮日暉暉浴暖沙小橋斜見兩三家不知春色來多少
是處墻頭見杏花

香社院

重陰消散日車明社鼓村歌樂太平行過柘塘蕭寺宿
隔墻猶聽賣花聲

三月三日

一棧扶頭又半酣久無歸夢到江南桃花欲發杏花謝
細雨斜風三月三

楊傑

遥碧亭

御選宋詩

卷五

郭祥正 楊傑

十一

幽鳥無心去又還迢迢湖水出東關暮雲留戀不飛動
添得一重山外山

太白桃花潭

桃花潭似武陵溪太白仙舟去路迷岸上踏歌人不見
年年空有鷓鴣啼

遊白雲山醉題僧壁

買得青山不用錢金沙門外草繇繇黃梅老令醉欲倒
擬借白雲今夜眠

山房枕上作

十里溪源尋未見忽逢茅屋白雲堆竹牀紙帳睡正穩
無奈野猿驚覺來

江公著

久旱微雨作

雲葉紛紛雨脚勻
亂花柔草長精神
雷車却碾前山過
不灑原頭陌上塵

楊蟠

時燕堂

吏隱孟城九十旬
豐年日日是佳辰
五壇芍藥齊教放
何處揚州更覓春

孔宗翰

題壁

屈指從來十七年
交親零落一潸然
嬋娟再見中秋月
御選宋詩

卷二十七

江著楊蟠孔宗翰周燾蔡確

十一

依舊清輝照客眠

周燾

遊天竺觀激水

拳石蒼婆色兩青
竹龍驅水轉山鳴
夜來不見跳珠碎
疑是簷間滴雨聲

蔡確

夏日登車蓋亭

一川佳景疎簾外
四面涼風曲檻頭
綠野平流來遠棹
青天白雨起靈湫

紙屏石枕竹方牀
手倦拋書午夢長
睡起莞然成獨笑
數聲漁笛在滄浪

西山髣髴見松筠
日日來看色轉新
聞說桃花巖畔石
讀書曾有謫仙人

風搖熟果時聞落
雨滴餘花亦自香
葉底出巢黃口鬧
波間逐隊小魚忙

來結芳廬向翠微
自持杯酒對清暉
水趨夢澤悠悠過
雲抱西山冉冉飛

章惇

玉光亭

千層懷玉對軒窗
池上新亭見玉光
祇此便堪爲吏隱
神仙官職水雲鄉

曾肇

御選宋詩

卷二十七

蔡確 章惇 曾肇 黃履 舒亶

滁州北園池

長山漫刻金芝頌
宮相空吟石竹詩
事往歲深無處問
北園惟見孟家池

黃履

題淺沙泉

瀾低沙淺一泓寒
雨不增深早不乾
要識有源爲可取
餘波更向大江看

舒亶

夢入天台

天風吹散赤城霞
淅出連雲萬樹花
誤入醉鄉迷去路
傍人應笑却還家

村居

水繞陂田竹繞廬
榆錢落盡槿花稀
夕陽牛背無人臥
帶得寒鴉兩兩歸

湖心寺

吹落清香縹緲風
樓臺彷彿水邊紅
人間誰是丹青手
畫取春湖細雨中

俞紫芝

歲杪山中

石亂雲深客到稀
鶴和殘雪在高枝
小軒日午貪濃睡
門外春風過不知

何耕

御選宋詩

卷七

舒亶 俞紫芝 何耕 張景修 李行中

十四

龍華大像蓋冀國夫人所作因成絕句

慧性原從戒定熏
百花潭水浣僧裙
箇中力量真超絕
故老猶傳娘子軍

張景修

九月望夜與詩僧可久泛西湖

山風獵獵釀寒威
林下山僧見亦稀
怪得題詩無俗語
十年肝鬲湛清輝

李行中

賦佳人嗅梅圖

蠶眉鴉髻縷金衣
折得梅花第幾枝
嗅盡餘香不回首
思量何事立多時

龔程

偶題

月度疎櫺起更慵坐聽澄照五更鐘却思湖上西興急
風送山前萬箇松

王仲修

宮詞

雲嬌煙嬾雨初晴環碧風輕細浪生盡日黃鸝不飛去
萬年枝上聽簫聲

殿角風搖柳帶長御溝流水落花香雨來雙燕歸應早
先上珠簾十二行

玉闌萬朶牡丹開先摘姚黃獻御杯翠幙重重圍繞定

御選宋詩

卷二十七

龔程 王仲修

五

料應蜂蝶不曾來

宮槐御柳繞池亭水殿中間暑氣清珠網簾深塵不到
靜聞燕子引雛聲

太液池頭水浸雲綠荷搖曳露華新漾舟尋得雙蓮子
摘向金盤進聖人

玉簫聲裏酌玻璃風獵旌旗卷絳霓星渚月斜珠露重
銀河流水亦東西

樓臺雪霽晚陰陰珠網屏風御幄深和氣先春宮掖暖
鳳釵不用辟寒金

六曲屏風倚殿帷君王幾度欲題詩却宣學士書無逸
又賜沈香筆數枝

乘輿前殿退朝初玉案焚香午漏餘三省奏來祥瑞事
編排付與內尚書

銀河清淺夜縱橫魚輪傳呼鎖禁城試上紅樓三十級
凭欄好看月華生

下直歸來日未晡鳳盤錦幄卷流蘇紗籠粉壁無人到
挂起長康列女圖

月沉天角曉星明上直妝成趁五更昨夜宣徽初進曲
仙韶院裏未知名

黃庭堅

村居即事

小麥青青大麥稀蠶娘拾繭盈筐歸放牛薄暮古堤角

御選宋詩

卷之七

王仲修黃庭堅

六

三四黃鶯相趁飛

牧童

七歲作

騎牛遠遠過前邨吹笛風斜隔隴聞多少長安名利客
機關用盡不如君

漫成呈文潛

十年閉戶不作舞爲君一整紅羅裙莫倚琵琶解寫怨
朱簾垂下阿誰聞

絕句

竹筍纔生黃犢角蕨芽初長小兒拳試尋野菜炊香飯
便是江南二月天

題伯時畫嚴子陵釣灘

平生久要劉文叔不肯爲渠作三公能令漢家重九鼎
桐江波上一絲風

往歲過廣陵值早春嘗作詩云春風十里珠簾
卷髣髴三生杜牧之紅藥梢頭初蠶栗揚州風
物焉成絲今春有自淮南來者道揚州事戲以
前韻寄王定國

淮南二十四橋月馬上時時夢見之想得揚州醉年少
正圍紅袖寫烏絲

呈外舅孫莘老

九陌黃塵烏帽底五湖春水白鷗前扁舟不爲鱸魚去
收取聲名四十年

御選宋詩

卷下 黃庭堅

二十七

從張仲謀乞蠟梅

聞君寺後野梅發香蜜染成宮樣黃不擬折來遮老眼
欲知春色到池塘

題惠崇畫扇

惠崇筆下開江面萬里晴波向落暉梅影橫斜人不見
鴛鴦相對浴紅衣

題劉將軍雁

將軍一矢萬人看雪灑晴空碎羽翰乞與失羣沙宿雁
筆間千頃暮江寒

題花光畫山水

花光寺下對雲沙欲把輕舟小釣車更看道人煙雨筆

亂峰深處是吾家

和陳君儀讀太真外傳三首

錄二首

梁州一曲當時事記得曾拈玉笛吹端正樓空春晝永
小桃猶學淡燕支

高麗條脫瑠紅玉邏迤琵琶撚綠絲蛛網屋煤昏故物
此生唯有夢來時

夜發分寧寄杜澗叟

陽關一曲水東流燈火旌陽一釣舟我自只如常日醉
滿川風月替人愁

春近四絕句

閨後陽和臘裏回濛濛小雨暗樓臺柳條榆莢弄顏色

御選宋詩

卷六十一 黃庭堅

六

便恐入簾雙燕來

亭臺經雨壓塵沙春近登臨意氣嘉更喜輕寒勒成雪
未春先放一城花

小雪晴沙不作泥疎簾紅日弄朝暉年華已伴梅梢晚
春色先從草際歸

梅英欲盡香無賴草色纔蘇綠未勻苦竹空將歲寒節
又隨官柳到青春

張仲謀家堂前酴醾委地

沉水衣籠白玉苗不蒙湔拂苦無聊煩君斫取西莊柳
扶起春風十萬條

上蕭家峽

玉筍峰前幾百家山明松雪水明沙趁墟人集春蔬好
桑茵竹萌煙蕨芽

醑醑

漢宮嬌額半塗黃入骨濃薰賈女香日力漸遲風力細
倚闌偷舞白霓裳

奉答李和甫代簡二絕句

錄一首

山色江聲相與清卷簾待得月華生可憐一曲並船笛
說盡故人離別情

題陽關圖

斷腸聲裏無形影畫出無聲亦斷腸想得陽關更西路
北風低草見牛羊

御選宋詩

卷六

黃庭堅 秦觀

十九

病起荆江亭即事

閉門覓句陳無已對客揮毫秦少游正字不知溫飽未
西風吹淚古藤州

登岳陽樓望君山

一川風雨獨凭闌縮結湘娥十二鬟可惜不當湖水面
銀盤堆裏看青山

秦觀

泗州東城晚望

渺渺孤城白水環舳舻人語夕霏間林梢一抹青如畫
應是淮流轉處山

春日五首

幅巾投曉入西園春動林塘物物鮮却憇小亭纔日出
海棠花發麝香眠

一夕輕雷落萬絲霽光浮瓦碧參差有情芍藥含春淚
無力薔薇卧曉枝

袂衣新著倦琴書散策池塘返照初翠碧黃鸝相續去
苕絲深處見游魚

春禽葉底引圓吭臨罷黃庭日正長滿院柳花寒食後
旋鑽新火熬爐香

金屋舊題煩鴛子蜜脾新採賴蜂臣蜻蜓蛺蝶無情思
隨例顛忙過一春

秋日

御選宋詩

卷五

秦觀

三

霜落邗溝積水清寒星無數傍船明菰蒲深處疑無地
忽有人家笑語聲

月團新碾瀾花甕飲罷呼兒課楚詞風定小軒無落葉
青蟲相對吐秋絲

四時四首贈道流

錄二首

本是匡山種杏人出山來事碧虛君上清欲問因何事
請看先生十賚文

夜深樓上撥書眠天在闌干四角邊風拂亂雲毫髮盡
獨留壁月向人圓

題郴陽道中古寺壁

門掩荒寒僧未歸蕭蕭庭菊兩三枝行人到此無腸斷

問爾黃花知不知

納涼

攜杖來追柳外涼
畫橋南畔倚胡牀
月明船笛參差起
風定池蓮自在香

早春

黃金簌簌滿垂楊
尚有春寒到畫堂
酒力漸消歌扇怯
入簾飛雪帶梅香

秦觀

寄蘇子瞻

子瞻字杭守
穎皆有西湖

十里薰風菡萏初
我公所至有西湖
欲將公事湖中了
見說官閒事亦無

御選宋詩

卷五

秦觀 秦觀 晁補之

五

晁補之

新城塔山對雨

山外圓天一境開
山頭雲起似浮埃
松吟竹舞水紋亂
坐見溪南風雨來

竹枝草履步蒼苔
山上孤亭四牖開
煙雨濛濛溪又急
小篷時轉碧灘來

邨居即事

十載京塵化客衣
故園榆柳識春歸
深邨芳物無由覓
蝴蝶雙尋麥隴飛

題工部文侍郎周翰郭熙平遠二首

漁村半落楚江邊
林外秋原雨后天
誰倚竹樓邀大艖

天涯暮色已蒼然

洞庭木落萬波秋說與南人亦自愁
欲指吳淞何處是一行征雁海山頭

將別歷下二首

來見紅蕖溢渚香歸途未變柳梢黃
殷勤趵突溪中水相送扁舟向汶陽

鴛鴦鸚鵡繞魚梁搖漾山光與水光
不管使君征棹遠依然飛下舊池塘

晁說之

送張君玉赴江寧幕府

遠景樓高風月清酒酣要看筆縱橫
山川有待君知否

御選宋詩

卷五

晁補之
晁說之

五

可是東坡賦不成

江聲洶洶雷霆峽山色蒼蒼雲雨臺
白髮拾遺吟不盡分留物色待君來

看花

春到人間得幾時可堪鶉鴉趣春歸
不辭日去千回看便恐風飄萬點飛

簿書

柳梢飛雪滿城風暖日催花爛漫
紅詩興消磨渾欲盡一春心事簿書中

午睡

漸覺銅壺刻漏遲捲簾花日弄晴輝
午窗睡美無人喚

夢逐遊絲自在飛

雨中觀庭下梅

霏霏凍雨細無聲
解洗梅花花上塵
似與橫枝借顏色
故應添我一分春

春近梅梢著意紅
留花不發待春風
籬邊一樹最佳處
半在冥濛煙雨中

偶成四首

鸞鏡無塵月影圓
不須朱粉污紅顏
待傳京兆看樵樣
剩寫春容入遠山

臉上桃花春自開
省邊柳色日全回
遙知弄粉妝成晚
應待溫郎玉鏡臺

御選宋詩

卷七

晁說之 晁冲之

七

樓上東風簾幕垂
纖纖春筍弄妝遲
玉籠鸚鵡知人意
催報花梢日影移

深深小閣夜籠香
日上珠簾逗曉光
爲喚羅幃春睡起
翠盆添水試新妝

晁冲之

春日

陰陰溪曲綠交加
小雨翻萍上淺沙
鶯鴨不知春去盡
爭隨流水趁桃花

戲成

長夏軒窗倚碧岑
人間塵土莫相侵
榴花不得春風力
顏色何如桃杏深

題超化寺壁

曲池風定碧瀾平，小白魚如鏡裏行。
水竹再來應識我，壁間不用更題名。

過王立之故居

醱醑架倒花仍發，薜荔墻摧石亦移。
此地與君凡幾醉，年年同賦臘梅詩。

春晚圃田道中

度柳穿橋聽午雞，一溝春水國門西。
行人不用傷心別，看取塵間萬馬蹄。

和王立之臘梅

茅簷竹塢兩幽奇，岸噴尋花醉亦知。
崖蜜已成蜂去盡，

御選宋詩

卷五

晁冲之張耒

十四

夜寒唯有露房垂

和新鄉二十一兄華嚴水亭五首

錄三首

近市危樓通野寺，隔溪高柳接京華。
蕩舟不怕風波急，看盡芙蓉十里花。

渚蒲淅淅風猶急，岸柳纖纖雨尚餘。
棲鷺宿鷗渾去盡，沂溪還有兩三魚。

荷蓋點溪三數葉，藤梢遶樹幾千層。
投閒更與高人約，重抱琴來聽廣陵。

張耒

偶題

屋角纖纖挂斷虹，青蟬一噪起高桐。
天涯雲盡見殘日，

林下雨餘來好風

謁僧不值

古寺人閒僧掩扉客來下馬解塵衣雙松帶月風蟬噪
高閣鳴鐘夕鳥歸

舟行

渡頭風雨晚生寒蓑笠漁翁坐釣船為問蓬中有魚否
一雙新鰕出籠鮮

天寒野店斷人行晚繫孤舟浪未平半夜西風驚客夢
卧聽寒雨到天明

渡頭煙雨欲昏天灣畔枯桑繫客船風打篷牕秋浪急
一杯寒酒夜深眠

御選宋詩

卷七

張耒

宿南山普濟院

五

閃閃青燈照薄帷幽人不寐自吟詩僧來邀我更深坐
待聽山風到樹枝

自上元後閒作

閭闔樓南粉署西舊時種柳長應齊如今冷落窮山縣
卧聽春風百鳥啼

寫情

人間漏永報春歸日過簷牙夢未回隔夜雨飄梅蕊盡
入簾風捲柳花來

宿銅陵寺題

僧房秋夜月明天下馬擁裘人悄然老僧何事亦晨起

清磬一聲驚客眠

將之天長題新亭壁

新亭登眺解征鞍飛鳥悠揚雲意閒誰爲塵埃無野興
故乘風雨看秋山

雲卷山光到眼前滿川搖落早秋天客來繫馬成何事
風雨寒窗一覺眠

楚城曉望

鼓角凌虛雉堞牢曉天如鑑絕秋毫山川搖落霜華重
風日晴明雁字高

感春

梅梢柳眼弄春嬌雲暖南山臘雪消近郭樵漁成野市

御選宋詩

卷六十七

張耒

三

遠邨簫鼓隔溪橋

傷春

浮雲冉冉送春華怯見春寒日欲斜一夜雨聲能幾許
曉來落盡一城花

次韻王彥昭感秋

年來詩酒最關身滿酌休論薄與醇愁見洛陽秋夜月
無情偏照不眠人

塵埃容易點吳衣澤國秋來信息稀想見淮南初木落
秋雲秋水雁初飛

荒園

日暖風簷翻乳燕曉寒露柳嘯流鶯荒園日日東風裏

吹盡閒花香草生

東海旅夜

蘭缸背壁影微微千里天涯客夢歸
一夜海風聲不斷曉來寒葉滿庭飛

立秋

西風嫋嫋木颼颼身在江湖北岸洲
自古楚人詞最好爲君重賦竟陵秋

西軒

出架薔薇秀晚枝雨餘屋角理蛛絲
可憐一夜秋風地萬思千情鬪入詩

夏日

御選宋詩

卷五十七

張耒

七

兩架醅醖側覆簷夏條交映漸多添
春歸花落君無恨剩得清陰恰滿簾

野水彎環夏木森青蟬晚噪碧雲深
扁舟兩槳誰家子萬里江湖此日心

風轉翻翻梧葉驚入簷白雨打窗鳴
應將清絕酬無睡穩聽空堦半夜聲

題水閣

積雨荒池水欲平軒窗長夏有餘清
公餘一枕滄浪夢卧聽風荷受雨聲

題宣州後堂壁

我欲留春情不淺青春別我苦無情
敬亭山下紅千樹

日日南風綠滿城

水仙花葉如金燈而加柔澤花淺黃其幹如萱
草秋深開至來春方已雖霜雪不衰中州未嘗
見一名雅蒜

宮樣鶯黃綠帶垂中州未省見仙姿只疑湘水綃機女
來伴清秋宋玉悲

漫呈无咎一絕

題扇燈前亦偶然那知別後遠如天去年醉舞看花處
獨聽琵琶却惘然

泊楚州鎖外

莫愁家住大堤邊朱閣青樓映暮川斜照清淮一梳月

御選宋詩

卷三十一
張耒

六

晚妝相對鬪嬋娟

題洛尾亭

日出南山春霧收渾渾洛尾入淮流莫向行人贈揚柳
折將離恨入孤舟

洛尾亭邊淮汴交來波去浪恨迢迢無端更灑黃昏雨
吹作春愁不肯消

宛丘道中

日斜沙路馬翩翩故欲迎涼不著鞭誰解多情似新月
伴人歸去照人眠

淮陰道中

映日斷霞臨水盡出雲新月向人來野塘秋晚無行迹

點點黃花照水開

新春

水鄉清冷落梅風正月雪消春信通昨夜園林新得雨
杏梢爭放曉來紅

偶成

乍晴幽步踏斜陽殘潦青苔曲徑荒風擲落花填小塹
雨催芳草上空牆

福昌官舍後絕句十首 錄四首

小園寒盡雪成泥堂角方池水接溪夢覺隔窗殘月盡
五更春鳥滿山啼

洛川春色幾時歸漾漾清流照翠微日暖雪消沙岸軟

御選宋詩

卷七 張耒

无

鴛鴦相對不驚飛

不埽竹根藏筍茁旋培殘雪擁蘭芽爲君更接櫻桃樹
付與春風換却花

清明山色到前簷澗澗溪流聚小潭一榻竹窗晴晝睡
依依春夢入江南

洛岸春行

溪上映人楊柳黃滿溪流水碧泱泱憑君莫向溪南望
春草春風能斷腸

南山晴翠入波光一派溪聲繞郭長最愛早春沙岸暖
滾風輕浪拍鴛鴦

清明日船中書事

清明不到旅人家乞火鄰船自試茶弄柳好風低作舞
夾船春浪細浮花

曉雨

綠滿園林紅已稀濕煙和柳共霏微誰家油壁春寒裏
獨轆天街曉雨歸

絕句

亭亭畫舸繫春潭直待行人酒半酣不管煙波與風雨
載將離恨過江南

曉雨

輕陰江上千峰秀小雨墻邊百草生唯有春禽慰孤客
曉啼渾是故園聲

御選宋詩

卷二十七 張耒

三

聞鴉鵲

紙窗未白燭微明鴉鵲枝頭一兩聲却憶去年桃李後
淮陽旅舍聽殘更

自二月末苦雨寒食前一日始晴視園中花乃
殊不敗

春雲湛靄弄朝暉清峭餘寒透袂衣最喜園花渾似舊
十分春色一分歸

絕句

風掉浮煙匝地回雨將濃翠撲山來晚涼樓角三吹罷
夕照江天萬里開

紺碧

紺碧遙空秋意生
深簷當午暑風清
老翁睡起支頤坐
初聽新蟬第一聲

御選宋詩卷第六十七

御選宋詩

卷六十七
張耒

三

御選宋詩卷第六十八目錄

七言絕句五

陳師道十一首

李廌一首

蘇頌四首

王巖叟一首

李昭玘二首

李之儀四首

劉季孫二首

謝邁八首

洪芻一首

御選宋詩

卷六十八

目錄

洪炎一首

汪革一首

李錡四首

呂希哲一首

張璪一首

朱長文四首

劉弇三首

楊吉老一首

王子平一首

張商英一首

蔡京一首

陳瓘一首

鄒浩十七首

劉安上九首

唐庚三首

蔡肇三首

黃裳八首

崔鷗二首

龔況一首

許仲山一首

楊時九首

游九言二首

御選宋詩

卷六

目錄

霍洞一首

韓駒十五首

曹緯一首

喻汝礪九首

許顛一首

周彥質七首

胡清一首

張叔夜一首

宗澤二首

張表臣一首

李綱四首

岳飛一首

陳東二首

歐陽澈八首

葉夢得二首

汪藻三首

廖剛十二首

李彌遜十一首

孫覲七首

周紫芝四十七首

御選宋詩

卷六

目錄

三

御選宋詩卷第六十八

七言絕句五

陳師道

即事

老覺山林可避人，正須麋鹿與同羣。
却嫌鳥語猶多事，強管陰晴報客聞。

齋居

青奴白牯靜相宜，老罷形骸不自持。
一枕西窗深閉閣，卧聽叢竹雨來時。

絕句

書當快意讀易盡，客有可人期不來。
世事相違每如此，

御選宋詩

卷六十八

陳師道

好懷百歲幾回開

和江秀才獻花

疎花得雨數枝黃，白髮緣愁百尺長。
要與先生同一醉，故留秋意作重陽。

絕句

雲海冥冥日向西，春風欲動意猶微。
無端一棹歸舟疾，驚起鴛鴦相背飛。

謝王立之送花

過雨生泥風作塵，馬蹄聲裏度芳辰。
城南居士風流在，時送名花與報春。

和參寥明發見鄰家花二首

短牆春色過鄰家行不逢人只見花新綠蔥蔥紅簌簌
却成妝面映青紗
滿城桃李一番新深院繁枝別得春從此詩翁有新語
不須紅濕少城圍

月下觀潮

隔江燈火是西興江水清平霧雨輕風送潮來雲四散
水光月色鬪分明

寄北山順法師

山下遊塵不污人耳邊溪水去猶聞羨君身世渾無事
坐看青山過白雲

贈太素軻律師

御選宋詩

卷六

陳師道 李廌 蘇頌

二

枕帳清寒夜色空琉璃明淨晚燈紅定知城市無窮事
盡在山人冷眼中

李廌

書侍兒小瑩裙帶

旋剪香羅列地垂嬌紅嫩綠寫珠璣花前欲作重重結
繫定春光不放歸

蘇頌

和題李公麟陽關圖

渭城悽咽不堪聽曾送征人萬里行今日玉關長不閉
誰將舊曲變新聲
三尺冰紉一絕詩翩翩車馬送行時尊前懷古閒開卷

看盡關山遠別離

野翠堂

郊原西與莽蒼連
隔岸人家小徑穿
滿目風光杳無際
柳如山色草如煙

西湖

椒澤疏源勢不休
繞城冰玉湛寒流
鳧鷖容與菰蒲亂
占得江湖一望秋

王巖叟

延慶寺

龍影涵潭事已空
惟餘翠竹混青松
路窮西北無他景
只有青山三萬重

御選宋詩

卷八

蘇頌 王巖叟 李昭玘 李之儀

三

李昭玘

次韻庭玉弟暮春作

小雨廉纖春欲歸
桃花吹盡燕來遲
閉門却有宜人處
簾幙陰陰睡起時

睡起

病夫無酒破春愁
掃榻焚香作睡謀
夢覺不知身是蝶
午雞聲裏思悠悠

李之儀

偶書

風吹蘇小門前柳
雨暗羅敷陌上桑
遙想九江春色晚
被花惱得少陵狂

惠崇扇面小景

耳冷無人唱竹枝歸心惟有夢魂知楊花撲面煙波闊
猶記征帆欲卸時

有贈

通中玉冷夢偏長花影籠堦月浸涼挽斷羅巾留不住
覺來猶有去時香

情隨榆莢不勝飄心似楊花暖欲消擬借瓊林大盈庫
約君孤注賭妖嬈

劉季孫

守關

晨雞三叫未開關留住行人更解鞍却上月明高處立

御選宋詩

卷八

李之儀 劉季孫 謝邁

四

曉風吹面作清寒

越山寺看泉

龜溪有路蓮花引鷺嶺無時雲霧生聊放此身留舴艋
不逢人處聽泉聲

謝邁

夏日遊南湖

麴塵裊與草爭綠象鼻筍勝瓊作杯可惜小舟橫兩漿
無人催送莫愁來

鳴鳩

雲陰解盡却殘暉屋上鳴鳩喚婦歸不見池塘煙雨裏
鴛鴦相並濕紅衣

立夏

小簾含風六尺牀竹奴從此合專房吾身匏落都無用
占得山間一味涼

聽曹道士彈琴

澹泊絲絃誰與聽試開塵匣寫幽情琴中自有無窮怨
彈出離騷意外聲

小窗疎箔列仙家彈盡遺音晚景斜賀老當年定塲屋
虛將妙曲付琵琶

暮春

晚雨牆東暗綠槐清陰庭院鎖莓苔委堦紅藥將春去
貼水青荷與夏來

御選宋詩

卷六

謝邁洪芻

五

吳彩鸞寫真

天上鳳凰難獨宿人間翡翠本雙棲丹青不與文簫共
誰遣雉東迷雀西

山間

籬落秋花未得霜嫣然一笑媚秋陽可人風味撩詩興
不記姚家宮樣黃

洪芻

石耳峰

朝踏紅塵暮宿雲往來車馬漫紛紛猴溪橋下潺湲水
惟有峰頭石耳聞

洪炎

蠟梅

見江樓下蠟梅花香撲金尊醉落霞獨倚東風如夢覺
一枝春色別人家

汪革

春日和韻

晏坐黌堂一事無居官蕭散似相如偶違濁酒風前約
不見繁英雨後疎

李錞

題四時景畫

九江應共五湖連尺素能開萬里天山杏野桃零落處
分明寒食繞風前

御選宋詩

卷六

洪炎汪革李錞呂希哲

六

繁陰雜樹映汀沙三伏江天自一家欲喚扁舟渡雲錦
平鋪明鏡是荷花
春鋤寂寞繞疎叢霜後雲生浦淑風此處年年報秋色
只應衰柳與丹楓

剪水飛花細舞風斷蘆洲外水連空剡溪幾曲知名處
何似今朝眼界中

呂希哲

大雪侍講筵

水晶宮殿玉花零點綴宮槐拂素屏特勅下簾延墨客
不因風雪廢談經

張璽

寄呂子進舍人

雛鷄雲鵬各有程
恩息相別未忘情
恨君不在蓬窗底
共聽蕭蕭夜雨聲

朱長文

次韻蒲左丞遊虎丘

掃石捫蘿向上行
門前坐見白雲生
應思夢得多佳趣
獨宿樓中待月明

劉夢得登虎丘望海樓詩云
野僧已閉戶山月方出嶺

秋月乘興遊松江
至垂虹亭登長橋夜泊南岸

且遊寧境院
因成十絕句呈君勉且寄子通

錄二首

坐看丹霞生翠微

御選宋詩

卷八

張璠朱長文劉弁

七

銀潢倒瀉入滄溟
身近魚龍夜不驚
鳴榔空飛孤雁過
漁燈照浦一星明

華亭吳江道中偶作

川上飛橋處處橫
幾回經此閱平生
碧蘆蕭瑟風前韻
一似家林霰雪聲

劉弁

輦下春懷呈趙達夫

闌玉梯金十二樓
百花烘作紫煙浮
草黏天遠難憑信
絲撲人來慣送愁

蝶正冶容蜂正狂
鶯如羞澀燕如忙
低枝莫搭鞦韆架
留送嬋娟出短牆

高氏環翠樓

眼界初欣得茂林野煙蒙蒙此何心擬從複嶺重岡外
更借蒼岑十萬尋

楊吉老

遺滎陽公

雨綠霜紅郭外田山濃水淡欲寒天參軍抱病陪清賞
一檄呼歸亦可憐

王子平

送椒攬於山谷

方懷味諫軒中果忽見金盤椒攬來想共餘甘有瓜葛
苦中真味晚方回

御選宋詩

卷之八

劉翥楊吉老王子平張商英蔡京

八

張商英

湏陰亭

駕言晨出灑臺隅湏上登臨酒拍壺不似岷山羊叔子
心隨漢水欲吞吳

蔡京

題殿壁

瓊瑤錯落密成林檜竹交加午有陰思許塵凡時縱步
不知身在五雲深

陳瓘

嶽山壽寧觀留詩

閣前千頃碧琅玕喬嶽蒼松苦歲寒此是萬年峰上竹

何須更待雪中看

鄒浩

求劉知錄澄泥香爐

千卷新書三疊琴青燈炯炯夜沉沉野人此外無餘好
只欠澄泥一炷深

雪中呈秀老原道

引舟西上正隆冬千里隋堤雪翳空恰似常州三月尾
柳花凌亂逐東風

雪中簡次蕭求團茶

竹上松間敲玉花最宜石鼎薦靈芽蓬門不識蒼龍壁
借問風流宰相家

御選宋詩

卷六

陳瓘鄒浩

九

順陽東山下小池

行盡江山知幾重山前池沼尚殘紅塵埃滿眼欣相見
駐馬垂楊夾岸風

泛漢江

山東長江激箭奔扁舟衝破白鷗羣故人正在筓簣裏
一枕灘聲誰與分

南堂

桐竹交陰覆廣庭秋風時與葉爭鳴可憐一曲明君操
不似高山流水聲

倦來搢策立階除深喜官居似隱居寒日西流報衙鼓
紛紛清影上圖書

留別顯父且約相見於南陽

風帆催我上輕舟不得追陪自在遊
山路馬蹄新雨霽
早來攜手百花洲

月下懷同盟

晚雲攜雨入陘山月到西湖萬象閒
公子歸來泛家宅
只應詩思落人間

次韻王彥溫邂逅登舟

過盡城西百丈堤邨邨雞犬午聲齊
風前匹馬不回首
知有幽人在竹溪

中秋日泛湖雜詩

荷花影裏逢君輩
碁子聲中媿我能
擬上高樓對殷浩

御選宋詩

卷之八

鄒浩

十

更憑長嘯引孫登

路轉城隅更可憐
畫橋橫處響潺湲
篙人不會凭舟意
徑逐西風過水源

舟去舟還秋半時
孤花細草雨霏霏
怪來詩句無清思
不見沙頭雙鶴飛

早覺鳴鳩啼木杪
晚來晴日霽天顏
不愁今夜雲遮月
且凭闌干一看山

送郭舜俞再任潁昌

穀雨冥冥春盡頭
故人重解去時舟
西湖好在一百頃
爲我傳聲到白鷗

初夏過西苑呈商居平程良弼二年兄

紅香吹盡綠陰垂恰似當年錫宴時今日玉津樓下過
午聲依舊轉黃鸝

仁老寄墨梅

解衣盤礴寫梅真一段風流墨外新依約江南山谷裏
淡煙疎雨見精神

劉安上

宿棲林

回首江鄉路渺瀰雨天行色倍遲遲最憐山寺流連日
恰是清明禁火時

建善即事三首

繡嶺峰高插晚空雨餘煙霧淡朦朧瓊枝細葉知多少

御選定詩

卷之八

鄒浩 劉空

七

最愛團欒竹一叢

春歸枝上餘花少轉午濃陰綠滿蹊何事黃鸝語音好
殷勤飛傍粉牆啼

穉龍亭下知誰種旋見新篁破綠苔到此不知纔幾日
抽梢今已過牆來

元沙二首

軒窗高下傍巖隈花木層層取次栽誰道山深春色晚
等閒桃李已齊開

飛山髣髴如天竺環合峰巒一徑通何日再來亭上宿
靜聽猿叫月明中

甘露亭

涵碧軒前甘露亭暑天涼夕此閒行琅玕一畝森如玉
影入池心徹底清

水斛安排鏡面平菰蒲初種已齊生晚來雨過浮萍少
看見魚兒打隊行

舒州西門

拂雲亭外竹千竿靜聽清聲戛玉寒却憶謝公巖下路
水風涼處戰檀欒

唐庚

春日雜興

愛梅長恐看花遲日禱東風莫後期及得見梅還冷淡
東風全在小桃枝

御選宋詩

卷六

劉安上唐庚蔡肇

十一

短帽輕衫信馬行郊原春色太牽情兔葵燕麥渾閒事
最有蕪菁到處生

謫居羅浮

說與門前白鷺羣也須從此斷知聞諸公有意除鉤黨
甲乙推求恐到君

蔡肇

題李世南畫扇

野水潺潺平落澗秋風瑟瑟細吹林逢人抱甕知村近
隔塢聞鐘覺寺深

題畫授李伯時

鴻雁歸時水拍天平岡老木尚依煙倩君餘地安漁艇

乞我寒江聽雨眠

汎舟橫塘遇雨

平野風煙入夢思，殷勤作畫更題詩。
扁舟卧聽橫塘雨，恰遇江南歸雁時。

黃裳

和人聞角

一聲寒角四更終，吹下雲間細細風。
孤館幾多人展轉，半窗明月與誰同。

秋日有感

幾時能致買山錢，便好山中醉暮天。
有物秋來長引夢，鱸魚新到曲江邊。

御選宋詩

卷二十八

蔡肇 黃裳

梅花

十三

花傍水邊窺縹緲，月來花上失嬋娟。
長教風脚微如線，時把真香爲我傳。
自從花發吟何苦，未見春來惜更深。
天與異香分瓣雪，不教埋沒亂山陰。

次禹弼同遊滕王園池之韻

當時歌舞競韶華，銀燭燒殘始上車。
堂上舊歡何處覓，春風無計問桃花。

泛舟錢塘西湖

望湖樓上與雲齊，下視銀河一道低。
好是水邊歌舞後，綺羅人在畫闌西。

茨出波間千顆軟蟹從秋後兩螯肥且呼玉友來相伴
等候瞻光與夕暉

遊吳有作

拏舟曾過芰荷鄉十里薰風一水長趁取秋時尋舊賞
且留三日卧清香

崔鷗

黃州道中

莫愁微雨落輕雲十里長亭未墊巾流水小橋山下路
馬頭無處不逢春

春日村居

春草門前已沒鞞更無人過野人家離離細竹時聞雨

御選宋詩

卷六

黃裳崔鷗龔况許仲山楊時

十四

淡淡疎簾不隔花

龔况

送唐大監

東門相別又相逢轉覺衰顏一老翁子約重來我方去
滿庭黃葉正秋風

許仲山

和御製宮詞

輕寒慘慘透衾羅玉箭銅壺漏水多常是未明供服御
夢回頻問夜如何

楊時

藏春峽

山街幽徑碧如環一壑風煙自在還不似武陵流出水
殘紅那得到人間

綠陰亭上

沙邊幽鳥傍清漪瀧下漁船逆浪歸身在輞川圖畫裏
晴空惟欠雪花飛

含雲寺書事

夾屋青松長數圍午風搖影舞傲傲幽禽葉底鳴相應
時引殘聲過別枝

登峴山阻雨

時自荆南入京

江風飛雨上雕闌庭樹蕭蕭景自閒向晚微雲遮不盡
好山渾在有無間

御選宋詩

卷之六 楊時

十五

庭前古木已經秋天外行雲暝不收倚杖却尋山下路
一川風雨濕征輶

春日

春深不見粟留聲百舌時聞自在鳴獨坐移牀卧深屋
細看新燕巧經營

一番微雨一番晴淡淡春容照眼明庭外幽花自開落
可憐蜂蝶謾多情

雨餘殘日照窗明風弄行雲點點輕獨倚春風人闌寂
時聞蛛網挂蟲聲

溪上偶成

悠揚春夢成幽興冷落溪光醒酒魂天闊雲浮遮不盡

浪平風過杳無痕

游九言

新作盆池戲書

瓦盆片石纍青蒼興入湖山寄小窗細看織鱗無限樂
寧妨斗水學西江

題武夷毛竹洞

毛竹連雲路欲迷洞門深鎖落花遲曾孫幾度春風老
未入仙人一局碁

霍洞

太守春遊呈以絕句

朝來五馬去尋春誰信家家甌有塵枕籍道傍宜細問

御選宋詩

卷之八

楊時游九言 霍洞 韓駒

十六

恐非芳草醉眠人

韓駒

十絕為亞卿作 錄四首

離歌三疊最關情不省從來此地聞早是春殘心事惡
落花陰裏更辭君

君住江濱起畫樓妾居海角送潮頭潮中有妾相思淚
流到樓前更不流

憶汎郎舟共採蓮今來揮淚送郎船回書儻寄新翻曲
湖上何人為扣舷

妾願為雲逐畫檣君言十日看歸航恐君回首高城隔
直倚江樓過夕陽

館中直宿書事

十載名山慣杖藜
清都直宿夢魂疑
卧聞長樂鐘聲近
尚憶寒山半夜時

賦曲江禁柳

照水纖柯拂地明
東風初試柳腰輕
人間豈識長門恨
霧鬢霜鬟縮不成

道中絕句

淺黛依依臨水笑
接藍脈脈抱山流
他年定作寒溪夢
夢載支郎雪滿舟

臣臬以御畫鵲示臣駒謹再拜稽首賦詩

君王妙畫出神機
弱羽爭巢並占時
相見春風鳩鵲觀

御選定詩

卷之八

韓駒

七

一雙飛上萬年枝

舍人簪筆上蓬山
輦路春風從駕還
天上飛來兩鳥鵲
爲傳喜事到人間

次韻館中上元遊葆真宮觀燈五首

錄二首

鴨綠未全生
曲沼鷺黃先
已上柔柯故
應春物撩詩思
白髮明朝一倍多

澹澹新妝帶淺啼
催車只待日平西
騂騮也自知人意
散入千花了不嘶

雪堂

經營一頃將歸去
眷戀羣山爲少留
百日使君何足道
空餘詩句滿江樓

梅花三首 錄三首

江南歲晚雪漫漫
礪谷梅花巧耐寒
幸有幽香當供給
不辭三載滯西安

雲根細路繞溪斜
日出煙銷水見沙
只度關山魂已斷
何須細雨濕梅花

申應時卜居京口名之曰雲棲又曰小築乞詩
送行

客舍秋來憶舊居
一帆歸去落東吳
他年寄我新詩句
即是雲棲小築圖

曹緯

自齊山借舟泛湖還家

御選宋詩

卷之六

韓駒 曹緯 喻汝礪

六

十里平湖漫不流
晚風吹浪打行舟
定知歸後侵燈火
家在菰蒲最盡頭

喻汝礪

至雄州寄諸弟并呈諸友

馬頭今日過中都
到得雄州更有書
道路莫嗔音問少
天寒沙漠雁全疎

沙隨行盡見南山
過却中京又少寒
欲寄梅花無處覓
祇將書去報平安

和國信子育元韻

雪餘稅馬立孱顏
望盡南垂北際山
一段黃雲凝不散
居人說是瓦橋關

曉起南山暮北山夜深歸夢祇山間山中亦有流泉好
不許行人洗病顏

聞道朝正使入關慙懃試託寄書還逢人若問今何許
已過金鈞第一山

歸次雄州

雁奴到日人初別燕子來時我亦還馳馬直登山絕頂
爭圖先見瓦橋關

和履中學士上元有作

珠翠雲隨鳳輦行重樓截臬與天平春風不禁宮中事
吹落珠簾笑語聲

泊真州新河亭

御選宋詩

卷六

喻汝礪許顛

十九

鬕毛垂雪欲毵毵道路風波老不堪繫纜短亭聊自慰
青山數點見江南

湖湘路中見梅花寄子開

折得寒梅自水濱恰如去歲在宜春瀟湘不見江南客
祇有花枝似故人

許顛

夢中詩

閒花亂草春春有秋鴻社燕年年歸青天露下麥苗濕
古道月寒人迹稀

周彥質

宮詞

五雲樓闕聳天顏
龍燭交光萬壽山
縹緲祥風來帝所
御香時得到人間

君王博學古無如
義獻奇踪購得初
裁處萬幾無一事
睿思深殿自臨書

春晴太液漾漪漣
柳綠花明豔冶天
十二闌干簾半掩
瑤津亭下按龍船

端午茸花簇彩鸞
高標寶鑑縷金顰
不宜夏景銷酥腕
似覺新來百索寬

開鑪佳節乍寒朝
近侍班聯衣錦朝
獸炭香新金鴨暖
珠簾龍幕按簫韶

錦茵方窄簇花毬
羯鼓瓊臺七寶鈎
共按昇平新製曲

御選宋詩

卷六

周彥質 胡清 張叔夜

二十

不同簫索打梁州

分引天源入禁城
御溝縈繞六宮行
寒聲碧甃淙淙急
流到人間分外清

胡清

軒旁小柏

栽傍巖隈未足看
謂言斤斧莫無端
他時直入掄材手
不獨青青保歲寒

張叔夜

岐王宮侍兒出家爲比丘尼

六尺輕羅染麴塵
金蓮步穩襯緗裙
從今不入襄王夢
剪盡巫山一朵雲

宗澤

華陰道中

煙遮晃白初疑雪日映爛斑却是花馬渡急流行小崦
柳絲如織映人家

管茅作屋幾家居雲確風帘路不紆坡側杏花溪外柳
分明摩詰輞川圖

張表臣

和晁以道答友乞松花詩

潛隱嵩高六六峰未乘雲氣御飛龍自餐白石求黃石
更採長松寄赤松

李綱

御選宋詩

卷五

宗澤張表臣李綱

三

即事

賓江兩岸木絲飛負郭家家熟荔支瘴雨蠻煙已蕭瑟
可堪梅子欲黃時

春詞

朝來急雨作輕寒只恐梨花落點殘喚起小童窗外看
玉妃何事淚闌干

秋意

蕭蕭南浦白雲秋楓葉蘆花相對愁何必更窮千里目
亂山凝碧滿溪樓

清修寺在益陽數十里間惠遠之弟居之世謂
之小廬山

盤紆石磴白雲間
風落巖花滿路斑
峰嶺橫斜自重掩
箇中真是小廬山

岳飛

池州翠微亭

經年塵土滿征衣
得得尋芳上翠微
好水好山看不足
馬蹄催趁月明歸

陳東

與士繇遊金山翊日分袂

早別金山恰曉鐘
離帆分破一江風
瓜洲渡口波聲遠
後夜相思明月中

題吳公輔菴

御選宋詩

卷六

李綱 岳飛 陳東 歐陽澈

三

一徑縈迴屋數間
我來却欲寄清閒
道人杖履知何處
空鎖煙霞萬疊山

歐陽澈

有寄

曹騰醉眼漾嬌波
心印潛通一捻多
密寄斷腸雙麗曲
過雲須倩雪兒歌

和子賢途中

暫停雙槳傍蘋洲
磯上漁翁雪滿頭
釣破煙波深得趣
生來不識世間愁
索莫襟懷不奈秋
雕鐫佳句且忘憂
行行恰過橋南路
一片蘆花映碧流

桐圭柳帶正凋疎，匹馬區區倦遠途。
腸斷不堪回首處，寒雲影裏雁聲孤。

喜雨

北窗支枕夢初回，風掠餘香特地來。
顛倒衣裳望池上，荷花無語爲誰開。

楊柳藏鴉菡萏香，水亭風榭襲羅裳。
秋光正入詩人眼，剩得餘篇付錦囊。

歸自臨川途中感物遇事得八絕句寄秀美

錄一首

信馬沿堤嬾著鞭，不堪回首望臨川。
滿懷離恨如春夢，愁聽林梢斷續蟬。

春意

御選宋詩

卷六十八

歐陽澈 葉夢得

三

高情忽逐曉雲空，喜見枝頭一點紅。
祇恐好花俱有主，擬爲詞客伴春風。

葉夢得

戲方仁聲四絕句

錄音 并序

仁聲舊居城東泊宅邨，張志和昔遊也。今徙西溪，作雲茆菴，因東岡爲小亭，號茆敦，欲傍溪開水檻，久無資會，郡守有饋之酒五十壺，不敢飲，亟易之，乃克成。有田數十畝，嘗苦下潦，余居石林，與雲茆南北相望，故及之云。

戲弄扁舟泊宅邨，却尋三徑築茆敦。
雲邊此意真誰解，賸作新詩與細論。

水檻新開似浣花，傍溪須更作浮槎。祇應屢費王弘酒，時要清尊對落霞。

汪藻

宿鄴侯鎮

當時踏月此長亭，烏似河堤柳色青。今日重來堤樹老，一簪華髮帶寒星。

微涼初破候蟲秋，露草螢光已不流。搔首與誰論往事，星河無語下城頭。

次蔡天任韻

修廊過午夕陰合，蝴蝶滿庭春草長。呼兒更捲簾數尺，要放晚晴升屋梁。

御選宋詩

卷六

葉夢得 汪藻 廖剛

三

廖剛

題渚宮

畫橋紅去卷蛾眉，臺榭遺踪草樹迷。獨有天然無限意，一池春水浴鳧鷖。

蔓草春深綠更齊，玉鞭何處選芳菲。舊時錦繡叢中蝶，却傍疎籬野菜飛。

衢州試院次韻盛當時官長寵示絕句

洗眼貪看幼婦詞，玉人空遣暗相思。憑誰爲報歸期近，趁得桃花爛漫時。

丙申春帖子

土牛分盡彩泥香，動地歡聲入壽觴。倍覺今年春意好，

上元燈火鬪風光

碧波樓下銀塘暖麗日亭前瑤草新和氣滿城催燕樂
風流太守最宜春

暖風漸綠池塘面和氣先薰草木心欲識春來何處好
曲屏新稱畫堂深

金栽寶勝翻珠髻雲染華箋貼繡楹庭戶春歸何所覺
暖風吹雪下瓊枝

題蔡州柳莊舖

雲垂曠野路漫漫策策秋聲作暮寒已分故園天樣遠
不知何處是長安

題白鳥寺西軒

御選宋詩

卷六入 廖剛

三五

幽窗殘夢午聲雞犬吠人家草舍微惆悵十年無限事
又聽啼鳥送春歸

天竺寺

野塘風細度香蓮碧澗雲深響玉泉從此西湖不須到
淡煙寒月一天天

題臨漳臺

銀河一派接天來碧玉千峰照眼開我欲乘槎訪仙去
却疑身已在蓬萊

畫棟岿堯倚翠微玉簫聲斷紫煙飛憑闌萬里秋光老
誰會長吟久未歸

李彌遜

秋晚即事

霜樹今無一葉留日邊雲暗使人愁
獨憐揚子灣頭岸猶有黃花戀晚秋

春雨

濛濛煙雨網春暉南陌清明二月時
細草養泥留燕子好花藏蜜待蜂兒

自大寧泛舟還涇川

岸梢濃染一溪青山影歸舟落葉輕
欲學漁郎颺綸手兩蓑月笛了平生

留題曾丞道堂

陰陰翠竹鎖虛堂竹外青山半出牆
七尺龍牙消白晝

御選定詩

卷三

李彌遜

三

便應題作小秋霜

和學士兄秋懷

却暑回颺入暮林衰蟬無力尚微吟
不須更問秋多少著蕊黃花已可簪

晚步獨至西溪

睡起方牀日未斜旋移屐齒破晴沙
石闌獨立數歸鳥高樹無風落柿花

筠亭

疊疊重重兩岸山鈎連秀色上琅玕
孤亭四壁面煙雨人與白鷗分暮寒

題范才元湘江詩畫

詩才妙入江南畫畫手工傳渭北詩一段澄心卷湘水
吟軒長對喚船時

次韻趙表之道中見梅之作

近水疎籬竹半侵枝南枝北弄晴陰不因老眼分明見
辜負凌寒一寸心

不見先爭特特開只緣沙際欲春回行人浪起空華想
一夜歸心著夢催

出山

白露蒼煙晝不分竹風捎雨亂紛紛杖藜來往成何事
添我曾中一窟雲

孫覲

御選宋詩

卷六

李彌遜孫覲

毛

題臨川孝義寺壁

秋風嫋嫋轉庭梧客夢初驚一鳥呼揀盡寒枝棲不穩
獨行殘夜影同孤

橫山堂

波間指點見青紅雪脊嶒峻倚半空幻出生綃三萬幅
遊人渾在畫圖中

過楓橋寺示遷老

白首重來一夢中青山不改舊時容烏啼月落橋邊寺
敲枕猶聞半夜鐘

翠木蒼藤一兩家門依古柳抱溪斜古城流水參差是
不見元都舊日花

吳門道中

數間茅屋水邊邨楊柳依依綠映門渡口喚船人獨立
一蓑煙雨濕黃昏

龜潭

山空水淨竹娟娟玉礫金沙自炯然宿鷺驚窺潭底月
潛魚翻動水中天

再至龜潭

歲歲來尋罨畫春看山弄水意長新不知流水今何處
只有青山是故人

周紫芝

浴罷書妙巖壁

御選宋詩

卷三

孫觀周紫芝

三

雲散香槽客未回月團重淪睡餘杯小窗斜日無人語
只有松聲入夢來

秋晚

月向寒林欲上時露從秋後已沾衣微螢不自知時晚
猶抱餘光照水飛

次韻次卿林下行歌十首

錄二首

風吹蘇小門前柳雨暗羅敷陌上桑遙想錦江春色暖
被花惱得少陵狂

賣酒罾魚只數家卜鄰元在水之涯扁舟定自桃源去
斜日紅飛兩岸花

聞蛙

草合平溝漲綠醅亂蛙聲在古城隍何時細雨春風夜
還我西池鼓吹來

次韻次卿約尋梅

想得瑶林玉樹春高標元自出風塵殷勤欲共梅花笑
却恐梅花解笑人

次韻常元明西坑

西坑只在亂山間尋得仇池十九泉有句能催千嶂雨
無人共釣一川煙

水西僻間見呂居仁絕句次其韻

秋霜落後題詩句醉墨淋漓苦未乾不見窮愁孟東野
亂峰空鎖一溪寒

御選宋詩

卷六

周紫芝

三九

聞雪

黃昏雪意未全成寒入重衾曉更清風裏未看穿幕片
夢中先聽打窗聲

次韻魏定甫早春題詠

三十六番風未回微紅難倩剪刀裁魏侯句裏有春色
不打涼州花自開

芍藥今歲著三花

春歸那肯爲儂留尚有三花慰客愁十里紅樓捲珠箔
不知誰占古揚州

須江雨中

須江樓上倚秋風草樹荒涼故壘空吹盡角聲人不見

畫橋和雨繫朦朧

歷陽道中

斜照孤邨一水閒
維舟盡日柳陰間
此生已作淮西夢
更看江南隔岸山

朝盤二首

郭索何人捕草泥
朝盤新見玉團臍
却思煙雨江南夜
紅火青蕞入稻畦

江近秋深足鱸材
半青棖子帶香開
黃金鱗鬣丹砂尾
落俎看成白雪堆

賈主簿家蠟梅

臘月邊城風雨沙
帶香誰剪蠟梅花
寒燈枉作江南夢
御選穴詩

卷六 周紫芝

三

春在牆東主簿家

雪後留宿報恩方丈

澆睡莫教茶乳薄
留香不放晝簾開
道人知我無餘事
特爲尋詩借榻來

清樾晚雨效韓偓

池上風荷香撲衣
紅妝鏡裏雨如絲
試呼小艇尋煙去
便是蒼溪五月時

齊山依小巖作觀音閣

亂山空洞自成龕
十里秋風響檜杉
我亦來修香火供
便疑身在普陀巖

湖居春晚偶賦

雪屋臨湖憶繫船柳汀吹絮又經年白鷗大似知人意
分與滄波十里天

次韻仲照秋懷

日斜樓閣暮雲中黃菊紅蕖滿院風酒熟未酬花爛漫
詩來時聽玉丁東

寒食前五日作

寒食風埃滿客巾西湖煙雨送愁頻日高未起烏呼夢
春晚不歸花笑人

次韻黃文若春日山行過秦德久六首

錄三首

百錢聊作杖頭沽旋剪春苗薦野蔬便可共傾陶令酒
未須真憶季鷹魚

御選宋詩

卷六

周紫芝

三

眼前風物一番新江上桃花惱殺人可笑草元窗下客
滿庭吹絮不知春

烏啼花發未春闌日飲無何意自閒更喚小蠻娛醉客
主人風味似香山

苔雪舟中戲題

永日扁舟破浪遲青蘋不動柳低垂滿川安得飛來雨
看濕紅裙雪藕絲

樓居雜句五首

錄二首

吳江橫絕斷雲間白鳥歸飛去不還煙樹青連越王國
暮潮聲過海門山

湖光山影入樓明曉色催人夢自驚畫棟去天無一握

青山銜月恰三更

五月六日湖上晚歸初見荷花

毵毵煙柳誰家樹拍拍西湖盡日風和靖宅邊山雨急
蘇公堤下藕花紅

十月二十日晨起見枇杷

枝頭紅日退霜華矮樹低牆密護遮黃菊已殘秋後朶
枇杷又放隔年花

湖居無事日課小詩

春湖潮滿入青天浪拍東風打釣船人在空濛飛絮裏
鳥啼紅白亂花前

天上陰晴不可猜兩翻雲黑又雲開鷺從落日山邊去

御選定詩

卷之八

周紫芝

三

魚趁晚湖潮裏來

甲子春日

燕來不擬著簾遮要聽雙飛語日斜芳草滿庭人不掃
東風吹盡石楠花

西湖春事

顛春柳絮風前落卧水桃花鑑裏開沙上鴛鴦忽驚起
背人飛去不回來

西湖月夜

月到中天火未流水邊風露已含秋問誰乞取西湖角
紅藕花中著釣舟

冷泉亭放閘二首

呼猿洞口水潺潺忽卷波流下九天乞得少陵三峽句
爲君題作倒流泉

萬里西興浦口潮浪花真似海門高誰將一夜山中雨
換作滄江八月濤

次韻庭藻讀少陵集

濯錦江頭酒一杯碧雞坊口草堂開十年劔外無相識
黃四娘家幾度來

西湖詞二首

吳中小女結煙鬟自打青腰唱採蓮欲趁歌聲過南浦
藕花深處不通船

湖天無盡月如霜露濕荷花別是香何處漁郎解吹笛
御選宋詩

卷六

周紫芝

三

並頭驚起兩鴛鴦

夜聞潮

江隔西興老翠髮轉頭即是海門山八盤嶺下移家住
要聽潮聲到夢間

寒食病起

桃花落後燕雙飛三度清明換客衣猶有江南故鄉夢
起尋楊柳插朱扉

讀韋莊浣花集戲題

晚塘風月一番新弄粉調膏點注勻誰與花林詩宰相
聘將花蕊作夫人

秋意

江城木落又秋高歸夢難成客鳥彫擬倩西風吹雨去
莫來窗下打芭蕉

雨中讀韓致堯詩偶池上鹿蔥盛開因效其體
曲闌干外水平堦池上朱扉繞翠苔燕子飛來人不到
鹿蔥花在雨中開

夢行西湖梅花下

久把西湖作故鄉至今清夢到湖傍分明昨夜經行處
一色梅花十里香

食茭有感

雞頭子熟食新嘗流落空嗟各異鄉紅線綠荷香裏夢
十年燈火記錢塘

御選宋詩

卷下

周紫芝

三

御選宋詩卷第六十八

